



中國方志叢書·華北地方·第四五〇號

據

清·姚子琅纂，蔣光祖修  
乾隆二十年刊本

影印

河南省

# 鄧州志

(三)

成文出版社有限公司印行

鄧州志

678

710

卷之十六

古延蔣光祖振喪氏墓修

忠烈

自古忠最烈才最著而死極慘者在唐有張中丞在  
 別有義兵一人蓋千載同符矣祿山以百萬圍啜  
 逆進而... 皇乘勝席捲銳莫可當而濟  
 承同於李郭建文移其將  
 可量哉明季聞寇蹂躪  
 死於古而死事古... 古部之言士死者蓋纍  
 固忠義之

日月爭光豈待志氣  
地以人重是不可不  
志忠烈

張巡字巡鄆州南陽人  
善曉義陣法氣志高

廷畧細節所交必大人  
其庸俗合時人巨知

也開元末擢進士  
位監察御史皆以名

稱重一時巡繇太子通事舍人出爲清河令治績最

而負節義或以州  
歸者願賞振護無吝秩滿還部

於是揚國忠方專國權勢可災或勸一見且顯用答

曰是必爲國怪狂朝宣不可爲也更謂真源令土

豪猾大吏華南金樹威恣肆邑中語曰南金口

手巡下車以法誅之赦餘黨莫不改行遷善政簡約  
民甚宜之安祿山反天寶十五載正月賊酋張通晤  
陷宋曹等州譙郡太守楊萬石降賊逼巡爲長史使  
西迎賊軍巡率吏哭立元皇帝祠遂起兵討賊從者  
千餘初靈昌太守嗣吳王祗受詔合河南兵拒祿山  
有單父尉賈賁者閬州刺史璿之子率吏稱吳王兵  
擊宋州通晤走襄邑爲頓邱令盧奕所殺賁引軍進  
至雍邱巡與之合有衆二千是時雍邱令令狐潮舉  
縣附賊遂自將東敗淮陽兵虜其衆反接在廷將殺  
之暫出行部淮陽囚更解縛起殺守者迎賁等入潮

不得歸巡乃屠其妻子磔城上祇聞承制拜賁監察御史潮怒賁還攻雍邱賁趨門爲衆殲死巡馳騎決戰身被創不顧士乃奉巡主軍間道表諸朝騰牋祇府祇乃舉竟以東委巡經畧潮以賊衆四萬薄城人犬恐巡諭諸將曰賊知城中虛實有輕我心今出不意可驚而潰也乘之勢必折諸將曰善巡乃分千人業戒以數隊出身前驅直薄潮軍軍却明日賊攻城設百樓巡柵城上束芻灌膏以焚焉賊不敢向巡伺隙擊之積六旬大小數百戰士帶甲食裹瘡鬪潮遂敗走追之幾獲潮怒復率衆來然素善巡至城下情



語巡曰本朝危蹙兵不能出關天下事去矣足下以  
羸兵守危堞忠無所立盍相從以苟富貴乎巡曰古  
者父死於君義不報子乃銜妻孥怨假力於賊以相  
圖吾見君頭十通衢爲百世笑柰何潮被然去當此  
時王命不復通大將六人自巡以勢不敵且上存亾  
莫知不如降六人者皆官開府特進巡陽許諾明日  
堂上設天子畫像率軍士朝人人盡泣巡引六將至  
責以大誼斬之士心益勸會糧乏潮餉賊墮米數百  
斛且至巡夜壁城南潮悉軍來拒巡遣勇士銜枚濱  
河取鹽米千斛焚其餘而還城中矢盡巡縛藁爲人

餘被黑衣夜縋城下潮兵爭射之久乃藁人還得  
竈數十萬其後復夜縋人賊笑不設備乃以死士五  
百斫潮營軍大亂焚壘幕追奔十餘里賊慙益兵圍  
之薪水竭巡給潮欲引衆走請退軍二舍使我逸潮  
不知其謀許之遂空城四出三十里撤屋發木而還  
爲備潮怒圍復合巡徐謂潮曰君須此城歸馬三十  
匹我得馬且出奔請君取城以藉口潮歸馬巡悉以  
給驍將約曰賊至人取一將明日潮責巡答曰吾欲  
去將士不從柰何潮怒欲戰陣未成三十騎突出擒  
將十四斬百餘級收器械牛馬潮遁還陳紹不復出

七月潮率賊將瞿伯玉攻城遣使者四人傳賊可招  
巡巡斬以徇餘繫送祇所圍凡四月賊常數萬而巡  
衆纔千餘每戰輒克於是河南節度使嗣虢王巨屯  
彭城假巡先鋒俄而魯東平陷賊濟陰太守高承義  
舉郡叛巨引兵東走臨淮賊將楊朝宗謀趨寧陵絕  
巡餉路巡外失巨依拔衆保寧陵馬裁三百兵三千  
至睢陽與太守許遠城父令姚闓等合乃遣將雷萬  
春南霽雲等領兵戰寧陵北斬賊將二十殺萬餘人  
投尸于汴水爲不流朝宗夜去有詔拜巡主客郎中  
副河南節度使巡籍將士有功者請于巨巨纔授折

衝果毅巡諫曰宗社尙危圍陵孤外渠可吝賞與賞  
已不聽至德二載祿山死慶緒遣其下尹子琦將同  
羅突厥奚勁兵與朝宗合凡十餘萬攻睢陽巡勵士  
固守口中二十戰氣不衰遠自以材不及巡請稟軍  
事而居其下巡受不辭遠專治軍糧戰具前此遠將  
李滔救東平遂叛入賊大將田秀榮潛與通或以告  
遠曰晨出戰以碧帽爲識視之如言盡覆其衆還輒  
曰我誘之也請以精騎往易錦帽遠以告巡巡召登  
城讓之斬首示賊因出薄戰子琦敗獲車馬牛羊悉  
分士秋毫無入其家有詔拜巡御史中丞遠侍御史

聞吏部郎中巡欲乘勝擊陳留子琦聞復圍城巡語  
其下曰吾蒙上恩賊若復來正有死耳諸君雖捐軀  
而賞不直勲以此痛恨聞者感慨乃椎牛大饗悉軍  
戰賊望兵少大笑巡遠親鼓之賊潰追北數十里其  
五月賊刈麥乃濟師巡夜鳴鼓嚴隊若將出賊申警  
俄息鼓賊覘城上兵休乃弛備巡使南霽雲等開門  
徑抵子琦所斬將拔旗有大酋被甲引拓羯千騎麾  
幟乘城招巡巡陰絕勇士數十人墮中持鉤陌刀彊  
弩約曰聞鼓聲而奮酋恃衆不爲備城上譟伏發禽  
之弩注矢外向救兵不能前俄而絕士復登陴賊皆

愕眙乃按甲不出巡欲射子琦莫能辨因剡蒿爲矢  
中者喜謂巡矢盡走白子琦乃得其狀使霽雲射一  
發中左目賊還七月復圍城初睢陽穀六萬斛可支  
一歲而巨發其半餽濮陽濟陰遠固爭不聽濟陰得  
糧卽叛至是食盡士日賦米一勺斲木皮鬻紙而食  
才千餘人皆癯劣不能穀救兵不至賊知之以雲衝  
傅堞巡出鉤于柱之使不得進篝火焚梯賊以鉤車  
木馬進巡輒破碎之賊服其機不復攻穿壕立柵以  
守巡士多餓死存者皆瘡傷氣乏巡出愛妾曰諸君  
經年乏食而忠義不少衰吾恨不割肌以啖衆寧惜

一妾而坐視士饑乃殺以大饗士者皆泣巡彊令食之遠亦殺奴僮以哺卒至羅雀鼠煮鎧弩以食賊將李懷忠過城下巡問君事胡幾何曰二朞巡曰君祖父官乎曰然君世受官食天子粟奈何從賊關弓與我確懷忠曰不然我昔爲將數死戰竟沒賊此殆天也巡曰自古悖逆終夷滅一日事平君父母妻子並誅何忍爲此懷忠掩涕去俄率其黨數十人降巡前後說降賊將甚多皆得其死力御史大夫賀蘭進明代巨節度屯臨淮許叔冀尙衡次彭城皆觀望莫肯救巡使霽雲如叔冀請師不應遺布數千端霽雲

嬖罵馬上請決死鬪叔冀不敢應巡復遣如臨淮告  
急引精騎三十冒圍出賊萬衆遮之霽雲左右射皆  
披靡旣見進明進明曰睢陽存亾已決兵出何益霽  
雲曰城或未下如己亡請以死謝大夫叔冀者進明  
麾下也房琯本以牽制進明亦兼御史大夫勢相埒  
而精兵進明懼師出且見襲又忌巡聲威恐成功初  
無出師意又愛霽雲壯士欲留之爲大饗樂作霽雲  
泣曰昨出睢陽時壯士不立食已彌月今大夫兵不  
出而廣設聲樂義不忍獨享雖食弗下咽今主將之  
命不達霽雲請置一指以示信歸報中丞也因拔佩



刀斷指一坐大驚爲坐涕卒不食去抽矢回射佛寺  
浮圖矢著輒曰吾破賊還必滅賀蘭此矢所以志也  
至真源李賁遺馬百匹次寧陵得城使廉坦兵三千  
夜冒圍入城覺拒之且戰且引兵多死所至才千人  
方大霧巡聞戰聲曰此霽雲等聲也乃啓門驅賊牛  
數百入將士相持泣賊知外援絕圍益急衆議東奔  
巡遠議以睢陽江淮保障也若棄之賊乘勝鼓而南  
江淮必亡且師飢衆行必不達十月癸丑賊攻城士  
病不能戰巡西向拜曰孤城備竭弗能全臣生不報  
陛下死爲鬼以癘賊城遂陷與遠俱執巡衆見之起